

八瓊室金石祛僞

八瓊室元金石偶存

八瓊室金石祛僞

太倉陸增祥撰

男 繼輝校錄

吳興劉承幹覆校

秦詔版

元年制詔丞相斯去疾灋

度量盡始皇帝爲之皆有

詔辭焉今襲而刻辭不稱

始皇帝其於久遠也如後

嗣爲之者不稱成功盛德

刻此詔故刻左使毋疑

右秦詔版款五十九字庚午夏瞿經寧寄詒云近
出秦中爲常熟翁玉甫同爵方伯所得形制何若
未及備述功字右從刀德字中無乚毋字多一橫
疑字亦不合於六書秦時無是體也

漢會仙左礪題字

分書

元光二年十月文成將軍木詔建會仙左礪工四萬五

□

按史記齊人少翁以方術見武帝時王夫人卒少
翁夜致王夫人帝自帷中望見焉乃拜少翁文成
將軍史雖不詳何年約略當在元狩閒少翁之姓

史亦不詳通鑑目錄元狩四年少翁以詐妄誅云
又案少翁之前有李少君者以方術見上上尊之
亦見史記通鑑目錄云元光二年李少君善爲巧
發奇中上始好神仙然未嘗拜文成將軍也太平
廣記李少君傳云時有文成將軍亦得少君術事
武帝是少君少翁爲兩人此誤以少君爲少翁矣

嘉禾紀瑞刻石

分書

嘉禾九穗

元守二幸秋北都

鄉

勸農官

王

守五大夫宋辰率民

眾大合樂會飲三日已紀瑞

予於癸丑避地濟甯得於南門市上以建初銅尺度之縱橫一尺五寸文共六行首行嘉禾九穗四字字之收縮波擊計約三四寸不等後五行小字字約一寸有餘每行八字末行二字二行泐蝕王字北都鄉四字尙可辨識與首行大字皆低六寸文云元守二年秋北都鄉勸農官王守北都鄉五大夫宋辰率民眾大合樂會三日呂紀瑞共三十四字道古沈厚當非漢人不能攷元狩二年爲武帝卽位之二十年守由篆趨隸之省猶之秦刻以開爭理說文作呂呂乃以之省也北都鄉不知何縣所轄百官志載凡縣各

署諸曹掾史畧如郡員五官爲廷掾監鄉五部春夏
爲勸農掾秋冬爲制度掾此云勸農官當卽縣發之
勸農掾也五大夫者爵級也九曰五大夫師古曰大
夫之尊也王守宋辰皆人名西京文字向數五鳳此
更前六十五年安得不駕諸碑而上之惜乎北都不
知今在何所也石亦不知在何所也

方朔枕經堂
金石題跋

癸酉冬汪硯山寄贈云東省丁筱農所貽未詳所
在惟枕經堂跋有之予審眎之近今僞作耳首行
大字與後五行小字筆勢不類前列四大字後共
三十一字首行八字餘俱七字末行二字方小東

以爲每行八字共三十四字其所錄之文亦與此
不合豈小東所見又是一本邪至會下少一飲字
則小東脫誤否則不得有三十四字矣守古狩字
小東謂由篆趨隸之省非曰亦非以之省

庶孝禹闕

分書

河平三年八月丁亥平邑庶里庶孝禹

同治庚午揚州宮本昂宮昱任城劉恩瀛訪得此碑

于平邑

此刻在碑左

右庶孝禹闕上銳下方似圭形分書兩行左右各
有直界中空三寸許上有畫鶴蓋贗鼎也

琴亭國李夫人墓門題字

分書

漢廿八將佐命功苗東藩琴亭國李□夫人靈第之門
聞此石在登州出土題廿一字泐其一前畫一鹿
蹲伏於地花飾不甚古可疑也攷後漢書馮異傳
永初六年安帝下詔曰建武元功二十八將佐命
虎臣識記有徵蓋蕭曹紹封傳繼於今況此未遠
而或至乏祀朕甚愍之其條二十八將無嗣絕世
若犯罪奪國其子孫當統後者分別署狀上將及
景風章敘舊德顯茲遺功焉又攷李忠傳忠初封
武固侯建武二年更封中水侯子威嗣威卒子純

嗣永平九年坐母殺純叔父國除永初七年鄧太后復封純琴亭侯純卒子廣嗣是琴亭國爲李純封爵功苗者功臣之苗裔也李忠爲東萊黃人故稱東藩東漢黃縣卽今登州府黃縣地此石出土正在其處隸法亦足以亂真

琴亭侯買山題記

分書

建武二年三月丁卯琴亭侯爲夫人李義買山值錢十五萬東至寒廬西至櫛櫟南至楚柯北至五鹿立石勒券庶勿爭焉 歌曰 三光共鑒鬼神斯証立石勒券魑魍勿爭風雨時節兮蟲蠹不生脩爾嘉穀早之公庭

姒娣相讓兄弟偶耕雖逢歉歲兮勤劓自豐毋曰勿爭
情將自攻教誨爾子毋怠厥躬子孫兮毋怠厥躬
石工劉作舟錢千

建武二年無琴亭侯之封封琴亭侯者李純其夫
人不得姓李作偽日拙紕繆乃爾餘姑勿論也或
云前刻實是漢石後刻卽因前石而妄作之亦未
敢信

劉熊殘碑

分書

上大帝垂精接咸薦生聖明

爵列土封侯載德相繼不顯

季子也誕生照明岐
嶷踰絕長

兼古業覈其妙行脩言道□

練州郡卷舒委適忠貞竭效官□□

祀有成來臻我邦循東里之惠□

慎徽五典勤恤民殷□心願下

□德惠潛流豈芳彙布尤愍縣

之風莫不嚮應悅誨日新砭□頑

□有所由處民之秉彙寔我劉父

講禮習聆匪徒豐學屢獲有年□

在昔先民有作洪勛則敷盛德□□

式序在位量餼授宜官無曠事士無逸

彈造設門更富者不獨逸樂貧者不獨

劉父吏民愛若慈父畏若神明梅□脩

乃相□咨度諏詢采撫誼言刊石佳

夙□誕生岐嶷言協□□

靈不傷人告曰公已□□

道德民□仁思清□□□□

鳴一震天臨保漢寔生乃仁□

渙乎成功□暇民豫新我□風□

豐黔首歌頌

碑久不存翁閣學据巴俊堂雙鉤本

凡二百十八字內多出洪

所闕者

四字纂入兩漢金石記云是碑隸法實在華山

廟碑之上此蓋据雙鉤本摹勒者而又多增入之

字內洪所無者七字謬妄已甚以□識之洪有而

翁無者十一字

硃勛授劉悔相
謚言刊言協

亦不足信洪翁有

而此無者一微字洪無翁有此亦有者不獨二字

考洪本貧者下只缺一字跋語云貧者得順則不

得有不順二字然則雙鉤本亦已以意增矣又弟

十九行應列廿一行廿行廿一行應列十九廿行

隸法除妄增十餘字外雖乏神味而筆勢却非後人所可及是足以惑人者故錄而著之

魏張翔碑

分書

魏故張府君之

碑

府君諱翔字仲潛□□□□□□其先有隱德不替
清芳府君秉性淵穆孝友是稱貞茂之行懿于鄉邨治
易書詩克究奧衍四方來學承命若歸隱居懷德寔爲
與□惟茲碩德允矣完人乃以咸熙元季甲□五□終
于其鄉耆秋四十有五鳴□哀哉凡百君子莫不愍惜
爰爲之銘曰

管生賢喆不顯而明夫躬清白延譽無量□□來茲令
德彌允

甲戌十月市賈以此求售審之乃偽造耳然紙墨
頗舊足以欺世爰錄而識之卓悼作臧慎隱字右
半上作半𠂔字上作𠂔皆於六書不合

晉泰始碑文

分書

大晉泰始三年六月作

在側

佑利

在端

丁丑八月桐軒拓寄謂去秋在長沙出土蓋偽作
也泰始三年長沙尙不屬晉分書亦不古拙

北魏高植墓誌

正書

魏故□陵太守高府君墓誌銘

君諱植字建瀛勃海修人也其先乃帝炎氏之苗裔昔在虞舜四岳至太公封齊其公族有高子者卽爲高氏焉 文昭皇太后之世宗武皇帝外祖也煌煌巨族聲

□遍於草野巍巍

世

勲名著於廊廟

祖醴□麟遊

尉相□府參軍右衛將軍充巽二州刺史遷肝胎太守太尉 父獻爰始新遂縣邑侯七百戶遷營州刺史

太原晉陽參軍太守人尉給事中君稟性生純誠德音洋溢乎朝野天資剛健偉績載記於太常有果敢慷慨之志無苟且畏蕙之心乃若上交不諂下交不瀆富貴

不淫貧賤不移威武不屈又其僮僕不羣非碌碌庸眾
所與語者旣而釋褐登朝輔弼王室沐雨節風成家開
國時遷諮議參軍建威將軍遷太尉太守相國府參軍
并太子虎賁中郎左驍衛將軍正光二年十一月十六
日葬□齊城西北六十里當其時賓僚咸集士友感德
□勒諸他囚之石對揚休聲乃作頌焉其詞曰

藹藹前哲秉心克貞鞠躬盡瘁遐邇共稱克勤克儉旣
和且平堅若介石穆如清風經天緯地莫與共能夙夜
匪懈積德建功剛健文明炳如日星赫赫世勲烈烈頌
聲哲人旣往遺範猶存不忝不求乃武乃文仰不愧天

俯不忤人光前裕後致君澤民退欲存理聚精會神皎皎素月泱泱白雲緬厥雅度飛靈遊魂人往風微歲月迴輪誌名萬世流芳傳聞

大代正光元年三月初八日癸卯朔建

丁丑二月兒子繼輝錄寄此誌云以魏書高肇傳攷之世次名位絕不脗合誌書葬不書卒二年十一月葬以元年三月預立是誌而有其時實僚咸集語文義可笑餘多訛脫殆摭拾時文爛語以爲之者余謂此誌原石殘損藏德州田氏立於神龜並非正光麟遊縣自唐始置北魏所無歷代無新

途縣殆新淦之誤誤淦爲塗因書作途新淦亦北
魏所無太原晉陽參軍太守太尉給事中太尉太
守相國府參軍并太子虎賁中郎太守不著何郡
敘次亦不倫末行年月紀癸卯朔於初八日之下
無此書法是年六月值癸卯朔亦非三月三月朔
非乙亥卽甲戌四月甲辰朔癸卯乃三月盡日也
妄人僞造不足置辨惟原石世少拓墨恐後人或
据爲眞也錄而識之

北齊朱氏女姜瑞雲造象

正書

大齊天保四年正月六日朱氏女姜瑞雲爲亡母顛造

文殊菩薩聖像一軀一心供養

刻佛座補訪碑錄謂在正定而常山貞石志無之
按菩薩本作扶薛一變爲薩再變爲薩然六朝唐
人尙無作薩者僞作無疑而書刻足以亂真也

房周陔墓誌

分書

處士房周陔字仁帥魯郡益都縣都鄉營邱里人君東
秦之名士也器寓淹宏宮墻淵邃鄉黨未有量其邊幅
朋交不能測其淺深疑疑然若劒閣之千雲漠茫茫也
似洪波之在藪澤而心無是非懷忘彼我是臥士友見
之者解貧憂祛鄙悛若斯之善宜假□□季紀細而地

何期雲電無恒風飄疾春秋世有五以大齊河清三季
九月十三日卒於營邱里天統元季十月廿四日癸酉
窆於鼎足凶之陽惜乎馨蘭夏折芳榮秋摧余曾因醺
言之次謂之曰昔師曠聽聲觀色惜王子出早遯僕今
視骨看文恐吾賢亦不肩壽當惜此謔事等鍾筍之駸
不意一二季閒便致俎殮於是榻筆銜哀叙君盛德翼
幽魂有悟知不癸言其銘曰 冠蓋潛川風流稷下道
踰邴鄭名趙終賈邑傳孝節鄉稱儒雅匹鳥於鳳方驥
於馬人同金箭□等蘭蓀情高志潔心直狠溫朋因淡
久交已素存江湖相望得意忘言風飄泣露塵飛弱草

百季一□□甄□先沒而不隊德音為寶銘石泉□用
申交道

房仁墓志記銘上

此三行篆書

碑尾題七大篆字碑版中未有此例亦非標題之
式首云房周隋字仁師後云房仁墓志又單稱仁
字何也文不古雅書法分隸而近於庸俗字體乖
異六朝固多謬鑿此為尤甚怪字小旁作𠂔戲字
右旁友作𠂔皆他處所未見碑估云志新出土恐
好事者所為也營作營遠作遠菊作葉逝作逝謹
作謹殂作殂溜作溜貌作狠並俗惟墜作隊為近

古甄不可識當是甄之譌以甄爲眞風飄疾句脫一字餘不悉述

陳塏造像

正書

大齊天統四丰歲次戊子二月丙辰朔日辛巳佛弟子陳豐爲父情造佛像一軀願入法界早令解脫

佛弟子陳豐虔誠供養

是年二月丙寅朔此作丙辰誤是年月朔亦均不值丙辰也象刻沾滯無古意字體柔媚不似六朝人手筆僞作也豐卽塏字

北周郭賢造象

正書

保芝四年歲次壬辰三月乙未朔八日吳國公儀同三司驃騎大將軍開國公昌樂縣郭賢爲父母伽牟造石像一區上生天宮下生人間一心供養

題記鑄佛背徑四分按北周武帝保定凡五年不值壬辰四月甲申三月己未朔亦不值乙未書字姿致秀媚斷非六朝人手筆近今文人所爲耳

馮長孫造象

正書

天和元年庚午二

此字旁注

月壬申口弟子馮長孫沐浴淨

心造佛像一區等成正覺

光緒己卯繆筱珊得於都門永興寺中攷後周天

和元年丙戌非庚午是年月建月朔皆不值庚午
惟二年正月或是壬申朔二年值丁亥月建亦不
值庚午偽造無疑

隋樊尙造象

正書

開皇元年歲次戊寅正月辛卯朔五日佛弟子樊尙上
爲七世父母所生父母造石像一區上生天宮下生人
間因緣眷屬等成正覺

佛弟子樊尙造託

按開皇元年歲值辛丑不值戊寅隋書帝紀開皇
元年二月甲子卽皇帝位大赦改元則是年正月

尙未有開皇之號通鑑目錄是年陳二月辛亥朔
隋三月辛巳朔則正月朔亦不值辛亥也或云正
月係二月之誤然以本紀二月甲子合之二月朔
或是辛亥甲子爲十四日二月五日亦未有開皇
之號僞造無疑造訖訖字作託亦誤

王冑妻孫氏造象

正書

王冑妻孫氏

二字橫列

子仁甫

理卿二字橫列

媳陳氏

以上在座背

爲

合家不安敬

三字橫列

奉造爲

以上在右側

一區永遠

太平三字橫列

爲

吉羊如

以上在正面

意開皇八年吉

三字橫列

日供宅

以上在左側

爲

韋載造像

正書

弟子韋載妻王氏于氏率男韋喜韋祿亞兒女曇女玉
一切眷屬香花供養一心禮拜以上正面象下

大隨仁壽四年歲次壬子四月癸丑朔丙寅八日癸酉
涿郡弟子韋載敬造石佛像一軀爲亡父母離苦超凡
降生人間埽除煩惱并一切衆生有識之類普同斯福

文云仁壽四年歲次壬子四月癸丑朔丙寅八日
癸酉核是年歲直甲子此作壬子蓋誤四月朔日
丙寅則八日癸酉不誤蓋先作癸丑後知其誤而
更正之也像刻無古樸之致香花二語不似六朝
人筆墨當是僞作

唐蘇玉華墓志

正書

女子蘇玉華墓志銘

宏文館學士歐陽詢撰并書

女字玉華蓋洗馬蘇君之季女也夫其理姿外照蕙性
內芳體脩幽閒動合禮則旣嫻習於圖史且留連於音
律以故名靄蘭閨聲綿梓里夫何美質降年不永竟致
天殁春秋十有五焉以大唐武德二年五月九日終於
居德里之第卽以其□□□有五日葬之於京地之神
和□悲□□□□威曾靡降福□道何昧竟貽斯殃諒
豈□□芳齡永逝悼以長往終天無弔嗚呼□哉□□

其墓銘曰 玉碎兮珠焚風悲兮日曛問天兮無言
永絕兮音塵善可紀兮慧絕倫嚴霜降兮值芳春丹旄
飛兮淚霑巾千秋萬世兮哀無垠

萬鈞刺字

武德年信本未爲宏文館學士

黃葉和尙墓誌

正書

唐故卧龍寺黃葉和尙墓誌銘

守黃門侍郎許敬宗製

文館學士歐陽詢書

和尙自說姓張名真誌其生緣乘梓莫能知之隨故特
進蜀人段經興善寺僧釋承蒨並見和尙於太清初出

入中條往來都邑年可五六十歲未知其異也隨氏末年稍顯靈跡被髮徒跣負杖挾鏡或徵索酒肴或十餘日不食預言未地懸識他心一時之中分形數處屬我皇應運率土崩裂和尚竟著先知住錫黃龍寺迨於之鼎果護奇驗以武德二年五月廿有九日卽化於卧龍寺之禪堂先是移寺之金剛像出置戶外語僧衆曰菩薩當去爾越旬日無疾而逝沉舟之痛有切 皇心殞葬資須事豐□厚迺以武德三年秋九月四日葬於萬年縣鳳□原望□墳而拚涕□白幕而驚心爰詔有司式刊景行其銘□□化毗城金粟降靈猗歟大士

權跡 帝京緒□莫明邑居孰見辟彼湧出猶如空現
五塵□離三條□依戒珠靡□忍鎧無違智燈含燭慧
駕□駢哀茲景像悲斯風電將導舟梁貽我方便形煩
心寐□□□□觀往測來覩微知顯石□亡儒星開□
賢反初息假薪絕火然神明何許暗石空傳

武德初許敬宗官漣州別駕其爲黃門侍郎約在
太宗末年信本署銜誤與蘇玉華誌同乘誤乘果
獲奇驗獲誤作護唐人造象刻經書菩薩字作薩
亦作薩未有作薩者此作薩偽造無疑也陝西通
志卧龍寺有吳道子畫觀音像及佛足跡碑初以

像名觀音寺宋初有僧惟果長臥其中人以臥龍呼之故名秦藩碑記云隋爲福應禪院唐名觀音寺宋太宗更名臥龍据此則寺名亦謬誤矣

褚遂良造象

正書

大唐善業如妙法身

貞觀二年四月五日褚遂良造

此好事者爲之也書法絕妙然去登善尙遠

涼州刺史郭雲墓志銘

正書

唐故銀青光祿大夫涼州刺史之遠縣開國子郭公墓銘

率更令歐陽詢書

公諱雲字仲翔京地萬年縣人也祖慶隨驃騎大將軍
右光祿大夫相州長史父振武開府儀同金紫光祿大
夫幽并二州刺史並箕裘紹業鍾鼎傳門公稟散華之
秀氣降昂緯之星精英姿颯爽得孔門季路之風智計
宏深有前漢留侯之略屬隨氏失政率土分崩我皇崛
起英俊雲集公投欵轅門深蒙優禮授武騎尉公迺霜
戈奮武星劍臨戎靜則岳峙山立動則雷奔電掣識超
萬眾勇冠三軍以故但從征討輒建奇勲武德元年封
芝遼縣男邑五百戶既又回舊封進爵爲子賜以絳卽
儼上將之儀苴以白茅開建國之模方當翊衛皇家馳

騁雲表不幸以貞觀五年六月廿有七日終於脩德里
第春秋五十有九贈銀青光祿大夫涼州刺史夫人唐
氏之遠縣君內府丞仲翔季女也貞順著行珠玉含華
雅稱良匹先公永逝以其年十月六日葬於縣西龍首
原禮也嗣子漢章痛風木之不停憲陵原之倏變迺銘
貞石庶表芳徽銘曰 惟岳降靈是生郭公既智且勇
克奏霄功蔚彼虬松長留雄風億萬斯年流慶無窮

隨無相州文云祖慶相州長史定遠屬濠州本臨
豪武德三年更名文云武德元年封定遠縣男均
不合萃編載郭雲銘並無誌文不知者因作此誌

耳据志郭雲以武騎尉封男進爵爲子未厯何職
歿贈銀青光祿大夫武騎尉勲之一轉視從七品
男爵從五品上子爵正五品上銀青光祿大夫爲
從三品階亦高卑懸殊矣

蜀王祭酒蕭勝墓志

正書

大唐故蜀王西閤祭酒蕭公墓誌

公諱勝字立寤東海蘭陵人梁中宗宣皇帝之孫太尉
安平王周柱國巖之第十三子也豐谷雕雲騰三傑於
星漢金陵王氣軼五馬於天枝爰自綺年已膺茅社封
爲宜陽侯俄而青蓋云歸咸陽起布衣之歎家聲□墮

高辛□□□□□授散騎郎皇朝爲上輕車都尉蜀
王西閭□□□□□賁虛元立操貞白學綜書府文藹詞
林錯銖珪系脫落塵滓□物我於臨濠照空有於靈室
龍宮之旨無以□□□□野之□自足苻其想信圻岸
之金碧爲羽毛之麟鳳然而過鳥忽驚悲鼠藤之何促
隳駒俄謝怨鶴林之已空春秋七十有四永徽二年八
月十五日遘疾薨於萬年縣之崇義里卽以其年歲次
辛亥八月壬戌朔廿三日甲申之於萬年縣寧安鄉鳳
栖之原嗚呼哀哉山可移子日難繫海成田子川而逝
因寶山於窮泉振芳聲於來裔其詞曰

楚國琴響秦時故侯寡寡下位栖遲一邱情涵水月心
汎靈舟持蓮淤盡援桂芳留人事超忽生涯浮脆溢露
銷津翻霜賁蒂夕陰先下泉局早開長夜不迨悠然來
際

刺史褚遂良書

志石四裂十餘年前得諸郤中審爲贋作勿錄也
去夏海琴復以寄贈云書款數字係後人所妄鑒
嗣見補訪碑錄載此志亦云後署六字乃僞作覆
審字蹟前後無區別耳新唐書宰相世系表嚴安
平王不言其爲太尉亦不載勝名此志云嚴之第

十三子而表於巖之後絕未載其一子可疑也蜀

王高祖弟湛所封爵

瘞琴銘并心經

正書

瘞琴銘

有序

嗚呼琴兮鼓者人亡則留爲虛器友之樂盡將頤而生
悲妻莊氏字清卿明姿耀玉慧性旋珠垂髻而貞度山
安待筭而麗辭泉涌蠶桑之暇癖嗜絲桐家有美材命
工精斲音律既協性命相依年廿四歸予琴卽爲媵春
花芬而奏薰風秋月皎而操流水寢食與並好合彌徵
纔及十年遽罹婉難春秋卅有四惜哉一息靡憑豈謂

九原可作七絃無恙誰禁五內併傷乃以服御之具開
寘高閣瘞琴于山巔殉所自也唯埋軫弛絃希聲於太
古濡翰勒石飲恨以千秋銘曰生不逢辰予人物棄捐
音徽不遠兮南山之巔銘幽表泐兮有待他年

顧升撰書

般若波羅蜜多心經

般若多心經

顯慶二年八月一日莊甯爲夫資福

書

撿遺篋感深意福無靈人先棄勒貞珉還資施升□

記

此吾蘇文人所爲以寄其悼亡之情耳有能道其
姓氏者非輕疑之也薩字作薩已露破綻近秦中
又有翻本矣

海禪師方墳記

正書

大唐化度寺故僧海禪師年六十有六俗姓劉綏州上
縣人也永徽五年十一月八日卒於禪眾以顯慶二年
四月八日於信行禪師所起方墳焉

顯慶三年歲次二月廿五日癸巳書

長安志化度寺本真寂寺隋尙書左僕射高顯宅開
皇三年頽捨宅奏立爲寺武德二年改化度寺在義

甯坊南門之東

平津讀碑記

吳荷屋云此記有二石一八行行七字邊有花紋
一九行行九字界方格後有年月案歲次下不記
干支何邪通鑑目錄是年正月甲申朔三月癸未
朔則二月廿五日非戊寅卽丁丑不直癸巳二月
亦不得有癸巳日癸巳乃正月十一日也然則後
有年月者妄人爲之耳後無年月者禪眾上無於
字未得拓本

雷大岑造象記

正書

若夫二儀有象顯覆載以含生四時無形潛寒暑以化

物是以庸愚者皆識其端□陰洞陽賢智者罕窮其數
況乎佛道崇虛乘幽控寐宏濟□品典湘十方舉威靈
而無上抑神力而無下大之弥於宇宙細之攝於豪釐
無滅無生歷千劫而不古若隱若顯運百福而長今妙
道凝懸遵之莫知□□故知蠢蠢□□區區庸鄙投其
指趣能□疑惑者哉□□□□□□十三人等□□
□□早悟三空之心□□菩提建立碑象一區上爲
皇帝陛下法界一切衆生及所生父母目縁眷属
早登菩提同臻彼岸

龍朔元年歲次辛酉七月甲午朔廿三日丙辰

成佛弟子雷大岑

石不知所在前襲聖教序文而庸愚上脫窺天鑒
地四字不成對偶妙道凝元作凝懸近人避

聖祖諱耳又割去法流二句

劉智妻孫氏合葬墓誌

正書

大唐故劉君合葬墓誌銘

并序

武功蘇靈芝書

文不錄

原石爲劉燕庭所得官浙後置諸淨慈寺今失所
在標題下有進士陳邁文五字無書人名此碑估
仿造託於蘇靈芝之名易於牟利也翻刻亦有兩

本一本稍肥近俗

淨善和尚塔銘

正書

大唐興唐寺淨善和尚塔銘

監察御史王延昌製 蒲州刺史顏真卿書

和尚姓張氏法号淨善京地雲陽人也幼而神清長益

靈悟誠請既深緣愛自淨迺授經於惠雲朔源窮委靡

弗徹貫以故業行高超利益宏溥知與不知

但蒙

宣示

咸得解脫朗悟信大道之津梁也以乾元元年二月六

日告行於興唐寺門人惠信等與俗侶白衣會葬近千

人焉以其年九月九日起塔於畢原高岡式昭大道庶

慰永懷銘曰 佛有妙法使皆清淨世界罕聞茫然莫
正大哉我師降厥慈悲開示寂樂破其惑迷法相既圓
色空自離千萬大衆歎泣而隨功成身去自契自藏銘
於塔石與天同長 門徒惠信等立石

但蒙二字在第三行行末茫然茫字在廿行第二
格蓋正文錯誤補刻於空處耳世字不避寫末行
有後學下數字豈銘有原石久亡而是人重摹之
耶後學上有指南二字疑亦碑中文字然不知在
何處也陝西通志興唐觀開元十八年建又引續
文獻通考云元和八年命中尉彭忠獻修興唐觀

而不載興唐寺

河南少尹裴復墓誌

正書

唐故河南少尹裴君墓誌銘

□諱復字茂紹河東人曾大父元簡大理正大父曠御史中丞京畿採訪使父虬以有氣略敢諫諍爲諫議大夫引正大疑有寵代宗朝屢辭官不肯拜卒贈工部尙書公舉賢良拜同官尉僕射南陽公開府徐州召公主書記三遷至待御史入朝歷殿中侍御史累遷至刑部郎中疾病改河南少尹輿至官若干日卒實元和三季四月二十三日享季五十夫人博陵崔氏少府監頤之

女男三人璟質皆既冠其季始六歲曰克耶卜葬得公
卒之四月壬寅遂以其日葬東都苾山之陰杜翟村□
公幼有文季十四上時雨詩代宗以爲能將召入爲翰
林學士尙書公請免曰願使卒學丁後母喪上使臨弔
又詔尙書公曰父忠而子果孝吾加賜以厲天下終喪
必且以爲翰林其在徐州府能勤而有勞在朝以恭儉
守其職居喪必有聞待諸弟友以善教館嫠妹畜孤甥
能別而有恩厯十一官而無宅于都無田於野無遺資
以爲葬斯其可銘也已銘曰

裴爲顯姓入

唐

尤盛支分族離各爲大家惟公之系德

隆位細日子曰孫厥聲世繼晉陽之色愉愉翼翼無外
無色幼壯若一何壽之不遐而祿之不多謂必有後其
又信然邪

唐書宰相世系表洗馬裴後魏中書博士天壽之後
曰元簡尉氏尉子曠御史中丞曠次子虬諫議大夫
虬長子復河南少尹復三子長曰璟次曰質吏部郎
中季曰望郎此誌元簡官大理正及季子曰克郎與
表異餘皆同復之名又見於御史臺精舍記碑額題
名誌中所稱僕射南陽公謂張建封也建封鎮徐州
在貞元間復爲所辟誌內侍御史誤侍作待刑部郎

中誤刑作形厯殿中侍御史厯十一官二厯字皆誤
止從日銘詞首二句姓盛爲一韻三四句離家二字
無韻又無外無色色當是內字之譌

古誌
石華

石華系此誌於元和三年四月案文云實元和三
年四月二十三日又云卜葬得公卒之四月壬寅
攷通鑑目錄是年五月壬午朔以此逆推之四月
不得有壬寅是年七月辛巳朔誌所稱壬寅者蓋
七月廿二日也復卒於四月厯四五六七四月而
葬故云公卒之四月壬寅也石華殆未攷核矣吳
子苾

式芬

以爲僞作洵然吳荷屋採入筠清館金

石記趙搗叔收入補訪碑錄系此於元和二年尤
誤

李術墓志

正書

唐故叔氏墓誌

并序

元和九年歲直甲午正月十九日丁卯浙東道觀察判
官將仕郎試大理評事攝監察御史李翱奉其叔氏之
喪塋于茲叔氏諱術生子曰王老遠在京師翱實主其
事銘曰

翱生始言叔氏棄沒爰殯于野年周四甲豈無諸親生
故或迫亦有息子族宦京國邱墳孰封松楸未列殯宇

零毀狐狸同穴中夜遠思酸悽心骨是以乞假公府言
來筮宅追念延陵喪子羸博葬不歸吳於禮其合唯叔
平生游居是邑天謝于此靈囿其託女姪之酉仲兄之
北冥昭何異可用居息孰爲故鄉乃樹松栢

案墓銘見李文公本集術爲諸父而曰叔氏叔父之
尊而擬之延陵羸博尤爲不倫文云奉其叔氏之喪
葬於茲銘云唯叔平生游居是邑卒莫知所葬何地
李翱此文本不可爲典要後人就集本上石詭言出
土書刻並劣集本題叔氏墓誌銘石本加唐故二字
淺人涉筆已見其陋不獨旅作族閭作囿也錄而摘

之以懲厲託金石

續編

太子校書李觀墓銘

正書

巨唐故太子拔書前進士李君墓銘

李觀字元賓其先隴西人也始來自江之東年二十四
舉進士三年登上第又舉博學宏辭授太子校書一年
年三十九客死於京師既斂之三日其友人博陵崔宏
禮葬之於國東門之外七里里曰慶義原曰嵩原友人
韓愈書石以誌之銘曰已乎元賓壽也者吾不知其所
慕天也者吾不知其所惡生而不泚孰謂其壽死而不
朽孰謂其天已乎元賓才高乎當世行侔於古人已乎

元賓竟何爲哉竟何爲哉

朱子校昌黎集授太子校書授作得年三十九作二十九据文序當以廿九爲是里曰慶義里作鄉韓愈下無書字銘曰作辭曰孰謂其天作孰謂之天行侔於古人作而行出乎古人末二句注云方又云上竟石本作意而邵公濟嘗嘆其句法之妙謂歐公而下好韓氏學者皆未之見遂從其說定上句作志意之意下句作究竟之竟則予不識其何說也竊意若非當時誤刻卽是後來字半磨滅而讀者不審遂傳此謬是誌原有石刻久不存矣

此据韓集別本爲之耳

福林寺戒塔銘

正書

唐故福林寺戒塔銘

并序

大德具戒爲元和尙金□將贖而之盡水慙懼也以至
感薦視給未嘗犯者信生于手鄉可約束至顏氏子也
西方聖人設戒二百五十俾隄限身口徑出生死今言
法者殼咄古鎬鎧其人我姓釋氏徒毗尼者雖不轍乎
意地而形骸之外是釭是輻大宅煥然羊鹿効駕亦各
也視中夏聖人刑自墨數三千或和尙出家之維乎不
然和字德未相如夏五十七置幢于積祖師能孕業人

展垢不嘗□□□非延□□□□之賓賓然不美淨觸

噫法廣缺九族龐氏京地興平人輩腴及缺九產吮而

不啼慙而始誰寶氏缺九日滋善種得度隸于慈悲跋

字缺四墨缺四及多羅經歷頽頽請介處不缺九禪法界

也其年其為泥人若射□□是□□宅□□箭也至乎

咏生死之流闌身□□□□聖人□□□之伎其在職

足乎多羅經五行□□□平缺四下次授萬化不可窮

極居山雪首缺六百箇苔色其下榻申夜形偈蒼不缺六

字大厦故鼓地之桐也議大夫柳公權書

會昌六年正月十六日建寶來延刻字

此縮臨元奘碑殘字而爲之故字蹟頗似誠懸文
義絕不可通出家之雄雄書作維尤爲可笑作僞
日拙不待識者辨矣

葬馬銘

正書

大唐左監門衛副率哥舒季通葬馬銘

太子中允王知敬製并書

爰有名驄厥号雪苕殷高天廐產重流砂蓋武德中嘗
以賜故越州刺史督都諸軍事哥舒府君者也府君既
已就義戎行維是名驄亦從殲焉孤子左監門衛副率
季通烏号血竭雞聳骨立永懷罔極之悲思廣推恩之

義迺圖厥形葵之墳隅肇錫嘉銘用誌雄特其詞曰

粵維泰運異質斯生坤元繇德天駟流精 惟彼雪花

馳嚴御櫨龍文表瑞鳳翥開績 於赤府君丕茂霄功

帝曰賚汝駿尾方瞳 越國過都逐星激電躰健騰驤

姿雄顧盼 絀力著德合志同心策勲奏凱照古凌今

夫何不永陽九當尼倏膏霜鋒早墜逸翮 瓦鴛羞

全緌鶴並飛存亡旣偕神魄攸依 矯矯精忠垂光丹

□翩翩者騅揚華驥尾 雲蒼頤影楊葉嘶風戀彼故

主遺恨焉窮

武德四年置越州總管七年改爲都督府武德中

無越州刺史之稱都督諸軍事亦誤倒爲督都哥
舒氏代居安西哥舒沮官左清道率其子道元官
安西副都護並無官越州刺史者哥舒翰則明皇
時人矣此所稱哥舒府君及孤子季通皆烏有先
生耳王知敬高宗時人

八瓊室金石祛僞終

八瓊室元金
石偶存

長洲章鉅署於析津



吳興劉氏
希古樓刊

八瓊室元金石偶存

太倉陸增祥撰

男 繼輝校錄

吳興劉承幹覆校

重修艸堂寺碑在鄆縣篆額橫列題皇太子令旨重修
艸堂寺碑十一字碑分四截上二截稱閣端太子令旨
一題癸卯年五月一題乙未年十一月第三截稱皇太
子令旨題丁未四月末截稱帖哥火魯赤都元帥鈞旨
題丁未年十月丁未爲定宗二年當宋淳祐七年潛研
堂有跋攷覈極精詳

王惲漢柏詩云蒼柏無城擁漢陵闕宮遺樹鬱崢嶸崔

鬼不植明堂礎造化還通岳頂靈萬壑煙霏封傑幹半
空風雨撼秋聲白頭會見東封日秀映鸞旂一色青至
元二年五月朔述後書同來者郡人時震吳能賢縈蒲
陳簡前司掾李昕又有從仕郎泰安州判官張翔承務
郎同知泰安州事徐汝嘉武德將軍泰安州達魯花赤
兼諸軍奧魯□合禿都目高淵諸人名餘詳潛研堂跋
語

宗聖宮圖碑在盤屋橫額題終南山古樓觀宗聖宮之
圖十一隸書下方有石庭玉題記其文云天下形勝之
雄者在郡曰長安長安形勝之雄者在山曰終南終南

名勝之最者在宮曰樓觀樓觀者真人尹氏之故宅太上老君說道德經之處也爰自結艸爲樓觀星望氣聖眞際遇經教宣傳由是道家之學風動天下水行地中矣自周而來屢經世變以教本所在旋廢旋興近又廢於金季國朝開創之初先師同塵眞人承清和大宗師之命篤意興復未幾樓殿凌空金碧溢目千季舊觀一朝復還草木以之生輝煙雲爲之改色南山益秀而渭水增明矣嘗試論之天下名宮偉觀多矣原其所起斯樓觀者張本之地也諸方仙蹤聖迹廣矣覈其所以而樓觀者太上開教之口也論時則無前校尊則莫大是

故萬乘數謁詔旨累修良有由也諦觀先師傳所載自古登仙得道之士出乎其間者無世無之是宮也其爲道之源仙之祖教之本乎所以稍弛而更張中微而益著先德所謂終南元氣老不死誠篤論也比者修建告成因呂先朝宮圖故新參訂重繪而□之石使四方學道之士得呂稽古而知本云至元二年十月二日住山石庭玉謹識宮圖題榜曰宗聖宮曰三門曰望氣樓曰三清殿曰元始殿曰四子殿右曰寶章左曰景陽曰丹井皆在三清殿前又有六榜分列左右次右曰道院曰企秀曰正一堂曰常善堂次左曰宮廳其右一榜漫漶

曰□宗曰育心曰祖堂曰孝□樹曰方丈曰道院宮之
南曰衙林曰說經臺曰煉丹峯曰□阿菴曰太微峯□
□山□□山下□莊□□洞四榜在其右子方山五福
山青石菴呂公嵩同車轍□坊平十老洞迎門洞八榜
在其左說經臺之右有東觀谷丹岩化女泉西觀谷洞
微菴飛昇谷卧牛池玉真祠延真觀九榜其左有純陽
洞文仙谷洪□庵會靈觀□□莊田谷樓觀渠元始臺
七榜宮之西曰仙蛻園曰田村曰啞柏元真觀曰洪□
菴曰柏林宮之東曰菓園宮之北曰玉泉觀曰渭河右
爲□真菴黑水河盤厓縣路左爲樓觀□河終南縣凡

題字六十八榜又有東南西北四字

火星巖詩刻一則詩云石柑根東蒼崖刻艾納苔封太古松遷客鳳簫吹乳洞天池開徹玉夫容後題至元丁丑仲冬廿又三日陝郡姚子徵父題

九老題名并詩句在平江道寧題名碑十一行文云前石埭吳判縣鉞振道生於宋甯宗嘉泰七年辛酉越壬戌三年甯宗開禧十二年乙丑學賓魯士行時可生又一年甯宗開禧十三年丙寅前淮東魯帥機士能時舉管轄曹惟高陵甫生又七年嘉定癸酉聘君方采亮甫生今宋末帝己卯五老合三百六十八歲三月之朔胥

會葆真以敘一時之盛事因題名於石垂不朽焉九月
白鹿洞講書鄧希恕德夫如會時年六十有八前宋遺
老會前承直郎池州石埭縣令吳鉞振道年七十八學
賓魯士行時可年七十七前奉議郎淮東帥機魯士能
時舉年七十三葆真觀管轄曹惟高陵甫年七十六逸
老方采亮甫年六十九白鹿洞講書鄧希恕德夫年七
十七主會前事奉大夫江夏縣開國男致仕鄂渚李應
春子發年六十九前朝欽大夫京西通□漢東張萬全
純甫年六十七豫章羅大岳年六十二羅大亨年七十
至元辛巳三月甲子日刊末云九老之是詞遺留後巖

本崖石壁今乃重鐫是碑以垂不朽詩句碑云□□本

碎九老集一時齒德作期頤會每歲值菊金蓉錦之時

擇山水勝處更迭主會借杯酌以篤斯文之雅如是者

十餘年各題姓名詩聯刻於道巖石上恐年湮剝落錄

載譜牒今復命匠鐫碑以垂不朽初同會時各有詩章

今採其警聯云方采亮曰方采字亮甫此作方采亮殊誤萬劫灰中存

世界千層浪裏惜儒琛吳鉞曰阮藉每看青眼舊鄒陽

咸慨白頭新李應春曰像繪耆英希五老鶴歸華表詔

千年張萬全曰乍接笑言疑是夢相看顏貌老於年鄧

希恕曰龜鶴爲羣同壽雉鹿麋相伴共時賢羅大岳曰

素絲不改衣冠舊黃道從教日月新羅大亨曰且追白
社爲耆會縱買黃金肯少年又詩云其一元都重到拂題
塵屈指於今十四春白石煙消丹竈冷蒼崖日永畫樓
新山中自笑黔驢技天外誰知海鶴身洞口桃花莫相
笑劉郎猶是少年人其二乘雲不到玉皇家崑山仙桃幾
度花今日喜儕三益友來看丹竈煉黃芽其三石敲新火
煮雲腴細講濂溪太極圖此處不知千載後有人來講
此圖無九老同歎曰九人六百三十二雪鬢霜髯壽且
康更向丹崖題姓字永同地久與天長

沐澗魏夫人祠碑陰有至元年題刻一段記廟地四至

文云維大元國紫陵村上清紫虛元君廟地壹段東至溝道北至溝南至官道西至楊家溝計地五十畝至元拾玖年叁月十九日知廟王志希謹記魯書□人張元李□凡八行

石角山題刻二段一題太歲甲申至元二十一年正月二十四日開山立此香火道場王□立一題丙戌至元二十三年季春後一日二水丹崖宗興景中古昇江涼洪夫全安國君□周寶貴卿侍主教□□沖虛壇李祥庵記石角山石刻從未經人搜揚

重修說經臺記在盤屋宣授陝西五路西蜀四川道教

提點古坂李道謙撰文制授體仁文粹開元真人書樓
孫愿或篆額本宮元壇講師藍水李志宗書後列尊宿
提點提舉提領知宮副宮知事等廿六人至元甲申歲
陽復日立甲申爲至元二十一年陽復冬至也碑凡十
列列各二十二行行九字行書絕似趙承旨撰書人姓
名分書在下方額失搨潛研有跋

重修慈雲寺碑在三原禮部貢士安定野人雅安張應
成撰小師樛菴老人有宣正書耀州管內僧判小師有
才篆額至元廿四年七月十五日僧有珍等施石後列
三原縣簿石縣尹王姓而不名又列達魯花赤並不書

姓末列宣授安西路都僧錄靈通等名

澹山宮題詩三段 張圯詩云民喜甘霖澤大田公餘

乘興訪林泉離塵疑到清涼國覽勝如登小有天晝接
陽和臨洞口夜邀月色照臺前顚崖誰道人辛苦心境
安恬便是仙伊誰鑿開混沌竅天造地設豈人爲不到
澹山得觀覽爭知閬苑非絕奇磨崖雖欠漫郎頌刻石
喜存太史詩若使殷賢居此境料應版築肯他之前題
云漢中張圯與同袍南陽萬國良八桂王桂侍廉訪簽
事按部零陵喜六月雨吏民胥慶乃因公暇游澹□巖
覽古迹靈異閱前覽品題情動於中吟二律以紀歲月

非敢言詩也。偕行郡庠廖景誠、鄧桂賢、唐以直、醫士胡寅、孫清湘、許珣、春陵孟希聖、二水李仁榮、子鑑侍。皆至元壬辰後六月旦日書。萬國良詩云：初聞勝景興，猶慙一到幽巖倦。復還萬里俗，塵紅日遠。數聲僧磬碧雲闌。從知天上無名竅，化作人間澹姓山。好寄煉丹仙島客，來時爲我駐朱顏。後題壬辰歲臘八日南陽萬國良留題萬國良見張圯詩，引故知爲元刻。永州志誤煉爲秋。劉學海題記分書六行云：眉山劉學海督工修學，得古石徑甚有佳致，命監修卿蹠孫重闢之後，來者無使其復堙焉，亦同上天梯之要路也。元貞乙未，象環劉。

洞珠記此刻前人未見

潭州權一面鑄至元二十〇年一面鑄潭〇路造上此器與元貞銅皆楊海琴所藏

濟州重建大成殿碑上半殘蝕在濟甯州學大成門外至元三十年二月立楊桓八分書楊郁文篆額撰人名缺濟州金石志以爲李謙撰武授堂有跋

西谿題刻三段在衡州石鼓山 史杠題名二段俱左行一云元貞元年八月日自郴戍軍迴眞定史杠〇湖南通志所載郴下有桂字今未之見一云大德九年春正月重來距元貞十年矣湖南通志所載缺後三字

主簿郭某題記云缺佳致嶽阜名山惟蒸湘缺之冠也

中間缺輩名重品缺言哉茲蒙缺分司委請缺判官布

伯承直提調鼎建缺燕居輪奐一新畢工之日荆此亭

鐫缺以紀歲月其用心亦爲日後缺塵缺耳時丙申元

貞孟春念口日將仕佐郎衡陽縣主簿郭缺元貞釧

款題元貞丙申七月吉日郭震造正書丙申爲元成宗

二年

樓觀璽書碑亦在整屋篆額大元璽書四字碑列聖旨

二通蒙古語以漢字書之有稱成吉思皇帝月古台皇

帝薛禪皇帝者成吉思太祖也薛禪世祖也一作色長

末題元貞二年候兒年十一月初七日

乙亥十月廖孟揚自濟州寄來鐵獅款字云在東嶽廟前手自搨墨以備采錄伸紙閱之凡十五行行兩字陽文首行殘泐存二十九字文云□□獅子壹對鎮宅大吉安陽縣北銅冶匠人付興男付政造元貞貳年十二月按此刻見山左金石志跋云在河道總督署前旗幟廟門前銘橫列獅子座之左側惟右獅有之考督署在元時爲總管府治此鑄於元貞二年疑是總管府治舊物不知何時移於旗幟廟也然曰鎮宅大吉似非官署神祠之器矣今謂在東嶽廟前與山左志不合抑孟揚

之誤邪又濟州金石志亦載之首作門前二字云山左金石志門下缺一字今從金石索補之按門字僅存左半白是不誤前字則馮氏以意增耳

浯溪題刻七段 杜明詩云□□猶能不染塵照開萬象本□眞憲官不究戕民弊著甚□□寄我身後題大德庚子冬至後一日江南諸道行御史臺監察御史杜明偕御史兀都蠻敦武察吏劉禎劉衍因按臨湖廣舟經浯溪書此以紀歲月祁陽縣典史李廷揚立石 史枉題名云大德九年乙巳歲正月旣望眞定史枉觀從公游者省椽許政王毅及姪史耿從事高信客謝端識

史扛天澤第四子史附天澤傳湖南省府志誤作史柱
並脫眞定二字 姚紱詩云轉壑飛流落碧虛巖蓬初
得野僧居辭嚴魯史獲麟筆義抗馬遷金匱書萬世綱
常垂宇宙千年龍物護儲胥懸崖鏡石明如水幾與遊
人照珮琚後題至元丙子夏六月予分憲讞刑郴道諸
郡厯九疑下瀧江游澹巖寺讀浯溪碑茲亦生平瑰偉
奇觀也適會班文卿繇武岡至永弭節湘許遂同觀磨
崖文憲掾張德新許彥叔馬益速縣尉曾圭陝郡姚紱
書瞿先生云紱時官肅政廉訪使按部過祁而題也紱
又有浯溪卽景二絕句亦刻厓上余未之見志載憲掾

之憲誤作卿字 高絢王維詩前題至元後丁丑冬至
日子二人陪御史南巡嶺海道經浯溪艤舟登眺各成
一律書以識一時之勝觀云高詩云瀟湘江上驛船過
登眺其如感慨何梵宇崢嶸□雲漢元家零落寄煙蘿
唐文剝蝕蒼苔合石鏡昏蒙歲月多欲記遠游留拙句
天齊崖壁愧鏤磨王詩云昔年聳叟宅此日梵王宮基
址浯溪上山河石鏡中雄文稱水部健筆記顏公長嘯
雲林外煙飛萬壑風首行下有立石一行銜名已泐僅
見教諭張遠珍書六字高絢洛陽人字元履王維河東
人字元□似是耆字皆察掾也湖南省府志所見未全

故疑即訪碑錄之燕莫白詩 御史等題名九行漫漶

已甚首行見江南□道行御史□監察御史燕十一字

末題至元後丁丑冬仲□日邑令後云云第三行有洛

陽高絢名蓋卽前詩引所稱之御史也訪碑錄所載之

燕莫白詩疑卽此人然此刻燕字似是地名未可遽定

湖南省府志未載 何崇禮詩云行盡三吾數里程風

光冉冉入詩評山園佛寺禪關靜霜徹浯溪眼界清石

鏡照開天地影崖碑磨盡古今情倚筇未足登臨興目

斷重巒隔帝京後題皆至元五年冬十一月初七日齊

西何崇禮題湖南省縣志誤作至元孟冬初一日并佚

其姓名殆未見揚本耳

吳大年詩刻六行

缺

仲冬十

九住山无方智普立

缺

見湖南道宣慰使俺口不花

缺

□妙前朝劍壁

缺

搖摸索斷崖

缺

林霜葉莫蕭蕭

缺

未

九月晦日溪園吳大年題湖南志未載

重建昭佑王廟碑在揚州馬允中撰書并篆額額題重建雷塘昭佑王廟之記汪硯山寄貽云阮文達所搜出者文云惟揚全淮之中郡也郡西北相距十五里有塘曰雷塘或曰陂塘曰波波卽陂陂卽塘也唐貞觀間引塘水溉田民獲其利大□聞決塘水成田民得其畊唐末迄於宋潞水以備漕運積而成淵其深不可蠡測時

之清明也日光搖曳水波不興瑩□□下□□碧時之
陰晦也翳空雲霧拍岸水聲倏然雷□□□解質其所
以然蓋有□□蟄於其中因祠於塘北封之曰昭佑王
是郡值□長□□下請水設雩禱雨其應如響郡人歲
時歲祀而不敢忘兵革之□□有存□皇元混一區□
□□已亥□□□東宣慰合於一仍隸於揚命中書_{九缺}
字而行司事撫治全淮公元勲世家碩德重望式副□
□是歲_{缺七}字詢於眾有以雷塘請水告公從_{缺四}字同知
備□翰文_{缺七}字率僚屬詣塘請水焚香拜手祠下□□
□字傾頽廟□□□默□□□□之冀其感應之速

耳未幾果如所□庸是涓吉興

缺五字

石一

缺四字

工役樂

從其事以治中馬居仁仍釐務而董

缺四字

竟□明年庚

缺四字

少雨螟螣肆□公齋戒禁屠復遵故典貯塘水置

諸寺□□誠意□□不五日開大雨蘇旱一月凡七農

悅於野民悅於市官吏得□□其責萬口一辭咸感龍

之靈公之德繇是工役轉嚴秋八月初□□宇落成正

殿六楹門六楹環堵約三十五丈有奇塑像□□兩旁

繪□兩部出入之像公設牲醴安靈於祠惓惓冀神惠

於無窮淮民何其幸歟□州路儒學教諭馬允中用撫

其實而爲之記題蓋并書後題大德辛丑四月吉日監

工許提控林知事劉經歷張承務郎推官馬蕭從仕郎
判官劉奉直大夫治中馬居仁奉政大夫同知正議大
夫揚州路總管兼管內勸農事移刺慶堅昭毅大將軍
揚州路總管府達魯花赤兼管內勸農事孛蘭奚等立

□

世祖平雲南碑在交城其文云國家繼天立極日月所
照罔有內外雲南秦漢郡縣也負險弗庭乃憲廟踐祚
之二年歲在壬子我世祖聖德神功文武皇帝以介弟
親王之重授鉞專征秋九月出師冬十二月濟河明年
春厯鹽夏四月出蕭關駐六盤八月絕洮踰吐蕃分軍

爲三道禁殺掠焚廬舍先遣使大理招之道阻而還十月過大渡河上率勁騎由中道先進十一月渡瀘所過望風歛附再使招之至其國遇害十二月薄其都城城倚蒼山西洱河爲固國主段興智及其柄臣高太祥背城出戰大

碑刻作太

敗又使招之三返弗聽下令攻之東西

道兵亦至乃登點蒼山臨視城中宵潰興智奔善闡追及太祥於姚州俘斬以殉分兵略地所向皆下惟善闡未附明年春留大將兀良合台經略之上振旅而還未幾拔善闡得興智以獻釋不殺進軍平烏蠻部落三十

七攻交趾破其都收特磨溪以統之大德八年平章政

事也速合兒建言所領雲南地居徼外歷世所不能臣
先皇帝天戈一麾無思不服今其民衣被皇明同於方
夏幼長少老怡怡熙熙皆自忘其往陋非神武不殺之
恩不及此惟點蒼之山嘗駐蹕焉若紀聖功刻石其上
使臣民永永瞻仰於事爲宜中書以聞

以下揭
本遺失

張與材題二蘇書記草書亦在盤屋文云此勝國嘉祐
癸卯坡潁二公之筆其辭流出胸臆一皆上下感動忠
懇之情而底無爲之功者豈亦見當時大臣於朝廷之
意耶姑勿論維神君之靈有不待此辭而洋洋如在然
亦以贊神功傳遠久者此辭也摩挲刻本天風灑然予

何言書以識余觀之歲月云爾大德十一年三月廿有
八日嗣天師張與材書與材爲道陵二十七世孫元史
有傳其下又有廣微子寄題終南山上清太平宮詩廣
微子卽與材自號

畫史元詮與材字國梁
號薇山別號廣微子

詩云飄飄紫

□行太清秘語忽落空中聽至今天風吹不了白鶴飛
繞終南青上三碑皆關中金石記所未載

鎮江路祭器題字篆書四行文云元太德丁未中順大
夫鎮江路總管提舉學校史燦山長曹鑄凡二十四字
丁未爲大德十一年其明年則武宗至大矣

重建孝子李永珍碑極漫漶永州志所載缺誤甚多

備錄存之文云東安縣□永田江東坊李孝文諱文珍

行缺半股利湯藥其病安□宿唐伯玉等陳縣申州照條

文賜錢會是歲趙知縣□□縣尉給照旌表缺半風

雨飄□獨存石□想當時因循鐫刻至□□于路旁得

李孝子曾孫李覺昕袖當年所給縣照而告予請記名

予曰東安志已紀其缺□縣志雖具載而路人不知是

名之意□□之予不容辭於敘孝者百行之原人

之行莫大於孝孝莫大於事親人之一身乃父母之遺

體也其嗣續爲尤大凡人子事親居則致其敬養則致

其元脫樂病則致其憂冬溫而夏清昏定而晨省恭爲

其其字

子職然後無愧於高厚夫在昔大孝稱虞舜至孝曰曾
子魯□見命□□考叔寤莊稱純黃香之溫席□□王
祥之卧冰□鯉能□□事愛敬之□惟揚名後世而天
地鬼神垂憐之自唐時陳藏時著本草拾遺謂人肉治
羸疾自是人間父母疾困者多以割股治之其病卽愈
時有京兆之張河陽之劉皆以孝行聞朝廷□給□□
旌表門閭□□□先後韓文公有云人子有_缺篤孝未
聞_缺不幸則至□之義_缺經□之□非全□行禮□之
能□乎□其親出於誠心亦足稱者同視□□昔爲何
如八都李_缺以_缺父母_缺高□之視□州縣□加之□

□不易得也

缺

聖朝□以孝子順孫□天下得亦加旌

表以勸之視今□之□□孝子不匱永錫爾類是其之

謂乎今日有能以孝行聞於上豈止夸一時而榮一鄉

哉予□不逮舉善而教□□勸

缺

行之歸顧不遑歟時

至大元年十月□縣學司諭龍□文翔伯記鄧直□書

後列典史周□永州路東安縣尉和□進義副尉永州

路東安縣主簿張心□將仕郎永州路東安縣丞劉□

承務郎永州路東安縣尹兼勸農事楊釜進義副尉永

州路東安縣達魯花赤兼勸農事花列迷迭立校李永

珍東安人母鄧氏獲異疾思魚作羹時沍寒永珍虔禱

得魚供膳後復割股療母咸淳中縣令趙崇砗聞於朝旌表其門建孝感坊

崇聖寺聖旨碑在大理府碑因寺內產業園林碾磨店鋪席浴房人口頭疋不准專取給予聖旨內有成吉思皇帝月吉歹皇帝薛禪皇帝完澤篤皇帝曲律皇帝聖旨字末題猪兒年閏七月初五日校完澤篤成宗也一作鄂斡哲圖曲律當是武宗猪兒年當是武宗至大四年辛亥也

玉琯巖楊宣慰詩云湖湘巨嶽衡爲奇衡山之南推九疑千峯插立雲滅表萬壑交鎖松蘿垂真人厭世不事

俗騎龍跨鳳相攀追結茅鍛竈入杳渺靈迹往往傳豐
碑窮奇極巧擅南服有虞祠塚宏門楣何爲遠狩坐弗
返天以聖真彰遐夷簫韶娥皇及女英三旬鼎拔猶鎗
旗衣冠劍履亦安在雲麓靄靄猿猱悲自餘瑣細不足
料茲欲挂一差萬遺披圖目眩膽再運況若親履臨臧
陝愛山不舍自我癖畫山致遠天工移殘年仙籍倘有
分筦豹或可容微窺前題播州楊宣慰相公詠九疑圖
詩後題古□進士雷聲鴻書至大四年歲次辛亥十二
月旦日軍民宣撫使司奏差雷嗣正沿邊宣慰使司奏
差雷元善磨崖後又題大元國上護軍資德大夫紹慶

珍州平南等處沿邊宣慰使行播州軍民宣撫使播州等處管軍萬戶侍衛親軍都指揮使楊中齋宗滌樓留雲盦金石審攷爲楊漢英所題史言漢英字熙載此作中齋與史不同以署銜證之其說良是漢英賜名賽因不花系出楊端史有傳餘詳宗跋

浪石寺蔣大士塔記在江華前鄉貢進士李起蔡撰并書篆額題道州江華縣蔣大士塔記十字古文甚奇皇慶二年五月蔣雷發等立石其略云大士姓蔣名永雄一夕神僧下降自稱普法王佛謂大士十世有修行之舊付以穿珠經訣乃坡道者服就浪石寺立壇說法有

經書八本偈頌百餘以崇甯五年五月廿九日趺化於
姪昂迎歸於寺屢臻靈異曾留日出江華照永明之頌
至淳熙間金華周煜來宰邑奏減稅額乃合日華二字
爲其名知爲大士後身今其裔孫雷發一新塔廟以奉
眞身乃立碑而申之以辭曰三華兮鄰九疑偉大士兮
心香舜祠指穿珠兮逢聖師鐵脊梁兮坐雲芝來金地
兮二百禩於茲謙處不來果兮福慧過之裔孫兮撐宇
拓基竹茁龕後兮隨現神奇讚歎兮鄧豐碑就重華兮
陳詞願能仁兮輔皇化之無爲今而後兮溥寰宇之雍
熙後題嗣香火僧法奇等名永州志脫會首何文煒蔣

義和朱至善十一字

文昌樓殘鐘陽識舊在太倉海甯寺明孝宗時移置州治之鐘樓據潛研跋云延祐四年崑山州知州王安貞屬翰林國史院編修官章嘉爲之銘同治年颶風大作樓圯鐘毀僅存數片今亦爲人融冶矣鄉人有寄貽搨本四紙者錄之以存遺蹟一存若人欲了知三世一

缺

應觀法界性一切

缺

十五字一存海船揚風履道坦坦

□若不逢福靈沙界聖祚延洪二十字蓋銘詞也後列
唵嘛呢□哩吽野吒八字通體正書此獨草書一存十
二行首列造寺故大檀越資德大夫大司農河南河北

等處行中書省左丞相公朱君夫人却氏胡氏朱君者
潛研以爲朱清也次列懷遠大將軍海道運糧萬戶王
□相公朱君昭武大將軍都水監中山相公朱君夫人
慕氏福一舍人信武將軍海道運糧萬戶玉溪相公劉
君夫人周氏明威將軍海道運糧萬戶春□相公黃君
夫人穆氏承信郎海道運糧阿二總管朱公忠顯校尉
海道運糧萬戶總管朱公敦武校尉海道運糧千戶竹
軒總管宋公阿二萬戶當是艘編次也後又有助緣人
名云錢天祐男金斗助度母親沈氏季一娘子室闔氏
榮二娘徐慶娘男士淵士海度祖妣陸氏廿七娘許氏

細三娘姑吳氏細一娘王慶孫追度考性初王仲一承
務餘二紙則係心經十六行行三字一存眼耳□舌身
意無色聲香味觸□無眼□乃至□意識十七字一存
無□□故菩□薩埵依般若波羅蜜多故心無罣礙故
無有恐怖遠離二十七字

平江路祭器題字共五行文云延祐六年歲在己未正
月吉日平江路提調學校官總管不八沙正議任內添
造後題教授陳伯監鑄

董祐題名文云董祐田公□□□摠帥府□□□延祐
七年□月左行在宣和年閏中蒲某題名之右未詳所

在

大羅江廟鐘款在武岡余兩得搨本一本僅搨天下太平等十六字末有元祐六年月日住持八字審之是描摹者蓋據湖南通志以爲宋鐘也一爲全本鐘凡四區題刻人姓名一區有勸緣朱慶孫字後題年月祐上似是延字一區有大元國湖南省武岡路云云鐫刻甚劣不盡可識要爲元仁宗延祐年所鑄無疑湖南通志又載有元祐閒大羅江廟碑疑亦延祐之誤特未之見耳福山文廟學田記碑在福山縣學翰林待制奉議大夫知制誥兼國史院編修張起巖撰棲霞縣儒學教諭劉

遵誨正書將士佐郎福山縣主簿納合彥禮題額額題
福山縣文廟學田記八字泰定元年二月儒學教諭馬
禧等立石後列福山縣達魯花赤禿滿迭兒諸官吏名
先卑後尊據碑文及山左金石志碑尙有陰

永昌路祭器題字陽識四行文云常德路達魯花赤哈
珊黑黑鑄造祭器壹伯貳拾玖件奉王命也永昌路西
涼州儒學永寶之泰定甲子四月吉日誌甲子爲泰定
元年紙尾有虎臣手搨小印

桂林有祖師坐像磨厓石刻之廣西金石略所未載像
高一尺一寸許上列橫額題祖師□法性古像七字次

刻比邱宗寶贊及慈信刻石題記贊云盧淡月冷庾嶺
月明風旛非動訐露心晴人閒天上覓不得還照曹溪
清更清山翁與鹿嘖嘆也只道得一半且如何是那
一半光含萬象徹今古慧日高懸天外昇後題至元甲午
住山法孫比邱宗寶拜贊泰定甲子七月二十八日住
風旛嗣祖比邱慈信拜立甲午爲至元三十一年甲子
爲泰定元年相距三十載

石門林升題名在褒城文云郡知事□仲林升以□修
磊□□□工來此泰定四年孟秋十日友人鄭復初□
宰曹子成

石魚宋刻百餘段姚彥士始搜搨之己巳冬悉數贈予
內有元人題記兩段一題云天厓己巳春水去魚下二
尺歲大熟庚午復去五尺監郡宣侯爰及同僚泊邦人
士游慶記耳王正上元日題攷己巳明宗卽位無年號
庚午五月文宗卽位改元至順此題在正月故仍稱天
厓也後又有救苦觀世音菩薩一身九字一題云涪陵
誌江心石魚出則大稔予守郡次年始獲見率僚友來
觀適有木魚依柳條中流浮至眾驚喜曰石魚自古爲
祥木魚尤爲異瑞也請刻之以示將來云至順癸酉仲
春十有三日奉議大夫涪守張八万謹識攷至順爲文

宗年號癸酉爲順宗元統元年順宗於是年十月卽位此題在二月尙未改元先一年甯宗卽位無年號故仍稱至順也

慶真閣記碑在臨桂馬宗成撰橫額題碧霞洞慶真閣之記碑文云天祗三年春臨江胡雲興整葺碧□洞天架閣道以便人之登臨粧飾元帝聖相立龕堂以起人之瞻仰扁其額曰慶真閣仍鑄銅鐘懸挂晨昏扣擊使聲聞於天而乃屬予作文以記之予觀夫桂林勝狀南北東西環遶皆山也山皆平地拔起而成碧玉簪之秀者看來亦未足爲勝其有□岩空洞中間更有古跡可

驗此爲勝爾堪羨桂之關北出內城之外公隍池東去
二百步一山突起朝北開岩生成洞天之景致古曰碧
霞洞今也胡君出力命工履崎嶇披蒙茸架閣道接高
空此後人來登臨者必景行而歸功也元初安奉治世
福神侍從將吏於高巖之上歲久損壞今也胡君捐財
命匠立龕堂安聖像肅侍從列天將此後人來瞻仰者
必加敬而傾向也聳聽鯨音震動鳴聲遠揚何況洞中
佳致常清常靜塵飛自隔風過不侵遇夜則天漢相連
斗星正對誠爲仙境宜胡君目爲勝境而樂然修飾之
抑又慶師眞高閣從此一新也噫桂林有碧霞洞天之

勝微雲間之士其誰與與援筆成文記其歲月云爾
天秣庚午三月望日湖湘道人馬宗成述寓桂府臨江
胡君雲興立石按天秣無三年是年四月改元至順此
碑刻於三月故尙書天秣也粵西金石略失採楊海琴
前輩搜得之

孔子象贊在臨林讀書巖下方題記大元至正五年畏
兀氏荅海帖木兒喜童同安馬家叔荅密失海牙李京
孫□□□道靜江閭唐九氏□師保各侍親官桂林
憲帥司來學於顏公書帛刻孔子像朝夕瞻敬永保無
荒臨川黎載謹識

重修義帝廟碑在郴州篆額題重修義帝廟記六字至
正五年碑多殘泐下方尤甚文云白蛇劍斷山鬼獻璧
天下已無秦□無秦者天理也人心也秦爲不道毒痛
四海人心思得義主若大旱之望雲霓缺特殺函之戍
卒大澤之羣盜耳安能爲天下之義主哉夫除暴之謂
義虐我之謂讐義者人心之所同歸讐者天下缺之犬
馬皆有憤色人之言曰楚雖三戶亡秦必楚當時之人
痛入骨髓有能因人心之痛而義之猶水就下沛然莫
缺復立楚後以從民望於是懷王立而雲合響應□想
其國造草昧南面雍容乃能遣寬大長者難慄悍禍賊

約以

缺

義主也奈何陽尊陰弑是亡秦之續耳天下烏

得而不讐之是以新城三老陳順逆之說率三軍爲之

縞素

缺

嗟乎內則父子外則君臣爲人倫天理之在

人心庸可泯哉故隨何陳此義而下九江酈生陳此義

缺

名旣正勝負之勢遂分吁可畏□□陵在郡之西祠

庭改創於宋之咸淳年間到今百有餘年矣歲月

缺

餘

耳疇肯一顧而葺之至正甲申冬通議大夫脫穎溥化

疇堃公來監是郡□昔繇尙書直省舍人厯宣徽院提

點充武備寺使考績旌

缺

拜江南諸道行御史臺監察

御史守江浙行省□□揚清一省鎮靜体覆浙東浙西

福建廉司聲迹剛果缺河北河南憲事薙姦癘惡發粟

□飢斯民至今□□□中書吏部而銓選無弊出守黃

靖二郡而政化大缺選除江浙財賦都總管出納明□

□□其□□□□事蹟炳然可考夫以公之碩德重

望出監斯郡固缺明德化於是詞訟簡賦役均囹圄空

字缺七農桑有効開倉賑濟減價糶糧孜孜爲民日不暇

給缺臣之義不可以不明古帝之祠不可缺八因其舊

制腐者易之故者飾之凡其購木石餉工缺民而趨事

赴功者皆不顧而集既而缺八直欄古礎增美於前於

是耄者喜其新穉者駭其麗缺□日噫首議立楚後者

以義結人心也

缺入字

無諫者豈亞父諸人不與聞歟何

審於始而昧於

缺

尊王之義安有身被弑君之名而自

缺入字

羽之罪遂無所容於天地之間矣拔山力盡四面

登

缺

吁知咎天而不知逆天猶斬將

缺九字

果何救於敗

亡哉宜乎不遂霸而懷王廟

缺

者不能以義而終深羨

夫□塋公能明大義以正人心使君臣之

缺

知所畏憚

其有功於世教豈小補哉遂銘之

缺

君臣有義人

缺五字

定矣帝豈陽尊濁水龍興

缺

迺逞其欲

缺六字

遂深哀哉

義帝竟殞於郴

缺

垓下潰圍

缺六字

古木維義之陵千秋

萬歲

缺

修舉廢墜

缺六字

攸敘郴山矗矗郴水洋洋

缺

亂

臣賊子

缺七
字

銘將以垂戒記前題銜首行存賜同進士

出身將仕郎天臨路長沙縣十五字次行存大夫湖南

道宣慰使都元十字三行存榮大夫前典瑞院使八字

碑尾首行存至正五年龍集乙酉

缺

隆毛必富郴州錄

事判官趙欽祖同郴州二十四字次行存林宏承隆郎

郴州

缺

勸農事荅失蠻郴州路總管府十九字末行存

州路總管府知事吳榮

缺

總管府

缺

居敬承務郎郴州

路總二十一字撰書人名缺據郴州志謂長沙縣丞陳

元明撰

嵩陽石柱有至正丙戌題名五行丙戌爲至正六年順

宗卽位之十四年也文云至正丙戌歲六月登封縣達魯花赤塔海縣尹奉甯鄭郁文卿主簿天黨張惟暹臬臣同游二十六日謹題塔海書名鄭張兼書字奉甯天黨皆不見於元史地志當攷

九曜石有至正年題刻兩段余得其一正書兩行文云至正丙戌正月望日韋德安叔逸遊此丙戌爲至正六年

承天禪院碑在荊州篆額二行題荊南叢蘭精舍之記標題云荊南承天禪院叢蘭精舍記文云臨川羅季能以荊湖制司幕府寓治江陵卽承天院故基爲叢蘭精

舍而移書渠陽

缺四

書

缺三

天院以黃太史重固也而

叢蘭之名何居乃復以請季能曰是院也世傳爲晉侍

中

缺八

章致仕還荆而蘭叢生於階庭人謂德行之感

子爲我併識所以作予觀世之論君

缺四

謂

缺三

鳥之

夢藻思日新其譽魯直亦曰詞人之巨擘耳噫張華蕭

繹嘗博物矣朱異江總嘗屬文云□世如□夏呂王亦

能操觚弄翰矣而他無足云祇足爲國家妖孽則君子

奚貴焉君章之事□史罕見其僅見□湘中之寶荆楚

之材江左之秀耳然觀其從庾元規友謝仁□則猶未

免爲曠逸之士□□桓溫氣艷翕赫公卿大臣皆卑躬

屈膝惟恐後雖謝安石之賢也而不能免君章獨以□

近囂塵

缺四

西之小洲布衣蔬食居之宴如也他日温

大會寮吏君章雖容未坐若有氣吞姦豪之勇以

缺五

謂賢乎黃魯直所遭則又有人所甚難者章惇爲政蔡

卞諸人首治史事魯直坐謫黔戎

缺五

徽宗初政起之

謫籍道出江陵爲承天院作浮圖記而轉運判官陳舉

承望趙挺之風

缺十

以爲幸災謗國坐徙宜陽嗚呼彼

所謂卑躬屈膝望承風指洋洋然自謂得矣朝榮□槁

□壤同□而矯矯獨立者垂芳簡策其爲蘭鞠不已多

乎況君章耒陽人也江陵特仕國耳且□宮故□□其

默誼嗜寂徙居城西三里而盛洪之荊州記乃謂距城

西者百餘里瞰川爲樓因名羅公洲校缺四前後凡

遷今承天院故址或始居或改卜亦未可知也而劉明

之假其宅若有見其像類缺三貽詩亦卷卷於短

牆喬木之間以是知賢者所寓雖名存實廢而隱乎斯

□□心者常與所寓缺三天理□良□閱千載如一日

也承天塔記豫章集以其因是取禍不忍錄而七十□

年後再勒缺三處缺三士大夫正心脩身當以千載自

期苟有所好樂憂懼而不得其正祇以□遏其□耳矣

缺九也家有蘭鞠而紉芳擷華於簡策尙友古人此其

好學之誠未有□□予

缺九字

稱亦□季能充而大之必

至於師友古之聖賢明善誠身而後爲學焉紹定四年

夏

缺十字

大元至正七年歲次丁亥十月望日山門重立

石後題當寺首座□□書丹篆□當代住山天瑤書法

趙承旨微少骨力而名已泐矣後又有旨授佛光普照

大禪師前住當山□住公安大工聖

缺

一行校山谷作

承天塔記因是編隸宜州事見宋史本傳亦見山谷年

譜所述爲詳云公初自蜀出峽留荊州待辭免乞郡之

命與府帥馬城忠玉相爲歡甚閩人陳舉自臺察出爲

轉運判官公未嘗與交一日承天寺浮圖成僧智珠乞

記並請書石忠玉同諸部使者環觀公書碑公於碑尾
但云作記者朝奉郎新知舒州事豫章黃庭堅立石者
承議郎知府事荏平馬瑊而已舉與轉運判官李植提
舉常平林虞相願遽請於前曰某等願記名不朽可乎
公不答舉由是憾之知公在河北與趙挺之有怨挺之
執政遂以墨本走介獻於朝謂幸災謗公遂除名羈管
宜州事具仲賁跋承天塔記中承天塔記今集中無之
據此碑於紹定年重勒入石亦已久亡君章者羅含也
耒陽人晉書有傳稱其爲州別駕時以廨舍誼擾於城
西池小洲上立茅屋伐木爲材織葦爲席而居布衣蔬

食晏如也又云及致仕還家階庭蘭鞠叢生人以爲德行之感據此碑則蘭鞠叢生在荆不在耒矣

蒙崑僕世玉祠刻文云至正戊子二月朔偕憲掾戴仲治奏差劉右卿祝釐來遊時山桃爛漫煙雨冥蒙恍隔塵世汲泉煮茗清話移時爲賦菩薩蠻一闕云蒙崑幾日桃花雨依稀流水章橋去只恐到天台誤通劉阮來玉堂開綺戶不隔塵寰路休認避秦人壺中別有春通議大夫憲僉僕世玉題

朱守諒秋夜偶成詩在黔陽登科題名碑下方詩云雨
圍江水薄城闌地僻民稀俗化淳暫止熊羆消大暑秋

深雲合殄妖塵旌旗十萬壓城闐嬰鑠將軍智略新
爾洞搖殲滅盡捷書馳報馬揚塵征夫鼓角定晨昏
細柳嚴明令具存擒盡渠魁歸上府脅從先已宥
皇恩殘暑炎蒸苦不禁秋來伏盡尙相侵祝融何是
專權甚不放新涼爽客襟臨戰鱗兵機失晚羨魚結
網智尤癡英豪若隱平蠻策特展長才莫吝爲麟足
傷殘遇世衰孔宣嗟悼出非時陽消陰長皆天理一
任豺狼滿路歧後題近因洞賊作耗逆犯王師奉命
分省勦捕予忝居其幕自辰沅東下至黔陽時維大
暑軍卒疫痢故暫憩是邑秋夜偶成七言六絕以俟
同志諸君一笑云至正八

年歲次戊子秋七月中旬朝散大夫湖廣等處行中書省左右司員外郎朱守諒題左右司典吏文暨書從行張政進士文鈞黔陽縣儒學教諭徐祐立湖南通志載此脫誤三字

朝陽崑周從進題名云至正九年歲在己丑仲春之月湖南僉憲周公從進按部春陵艤舟二水偕掾史張仲謙馮禮卿遊郡之朝陽崑尋幽索奇慷慨弔古風日和美岳洞虛明恍若僊境也因命刻石以紀勝游且誌歲月從行者總管牛中同知野先海涯推官李讓經歷白鏞謹記府吏李次臯書永州志誤牛爲井

周子故居記碑在道州濂溪故里祠大門之左篆額題
濂溪周子故居新興造記十字榮祿大夫知制誥監修
國史歐陽元撰并書榮祿上磨泐僅一旨字明顯蓋翰
林承旨也翰林學士資善大夫知制誥同修國史楊宗
瑞篆額僉嶺北湖南道肅政廉訪司事周□書□僉上
磨泐至正九年十月立其文云□□□□西距城可十
里有鄉曰營樂里曰濂溪子周子故居在焉左有山曰
龍山其□□□□龍右有巖曰豸嶺巖石哈呀其狀
若豸中爲平田有水逶迤田閒澄澈見底□□濂水□
其居舊制有堂三閒門廡稱之堂肖周子之父諫議大

夫之像居其中周子像□其右□□則司封郎中壽徽

猷閣彝之像以次侍坐周子之二子也在宋之代春□

二□以□□□守令詣祭元□□濂洛之學追封周子

為道國公祀事視昔加豐而故居湫隘歲久浸弊祭畢

飲福缺十年邑人□偉□營道主簿嘗□祭□進里儒

唐道舉而勉之缺十弗□君生□里缺八之責□屬君

其勿辭道缺二十完而已吾欲異於是可缺九之郡缺

二王伐石陶瓦除其旁地斥大缺六三閒□為專□祠

周子列先賢□□於其側後為重屋上下皆施雙梁如

字缺六像□坐旁設司封徽猷像坐東西□□下為祭官

止息之所未及落成而□□卽世後三年子□詔復作

東西序□十閒以□□□未幾屬邑有警軍興方殷作

□□□□□至□八年缺十繚以周垣□以堅□丹堊

彰施新缺十計者百四十有奇然後每歲祀事遵豆有

□□□有位□□有儀□□而□旅酬有所□□□□

咸有苾蒨乃介缺五君嗣隆奉事狀來請□記之惟

昔商容商之賢人也周武王伐商有天下過其門而□

之史書於冊召伯□行南國聽民訟於甘棠之下南國

之人爲詩以相戒曰□□□□召伯所□勿剪勿伐夫

商容□代□賢其所居爲時君之所敬禮召伯一日之

舍□□□爲邦人之所□□□且如是子周子上接孔
孟之緒下開程朱之學有功斯道昭被萬世其故居修
□□固爲政之所當□□度之所當舉然贊府熊君謀
於其始通守吳侯濟於厥終唐氏父子實克繼紹以究
是圖垂三十年乃底成績其可無紀載乎大德□未戊
申閒□從先君子冀國公典教是邦歲祠故居屢造其
地蓋嘗目擊而能言者乃□以授詞隆俾歸勒之石以
勸方來云至正八年歲在戊子九月己酉記前後凡二
十八行下方又有題記云蓋聞孔子舊宅金石絲竹□
猶遺孟母三遷□豆揖遜之居如昨嗟孟後不傳之

久幸周子篤生於南紹往聖開來學厥功大著濂溪故
居前營道主簿邑人熊偉勉里士唐道舉新之父作子
述前郡侯肯堂吳君成其終翰林承旨圭齋先生歐陽
公爲之記嶺北湖南僉憲周公爲之書翰林學士楊公
篆題至正九年己丑之歲□□博士蔣文緯書院攝山
長周仁□教導周善溥偕□院□儒□爲立石表厥□
里樹之風聲□□□□行行□吾黨勗哉是年□良
月吉日中順大夫□□路總管兼管內勸農事玉山林
興祖謹書

牛繼志南海神祠碑在南海標題云代祀南海廟記下

題南安路道源書院山長黃異書丹文云至正乙未春
正月元日皇帝御大明殿受群臣萬方賀廷臣陞請嶽
鎮海濱歲有恒祀宜遣香如舊禮皇帝嘉其奏手香於
額分授使曰若曰往敬之哉時承事郎太府監右藏庫
使臣三寶奴翰林修撰承務郎臣牛繼得南海南海廟
在海北壩去京師且萬里經涉江領凡四越月始達於
廣之驛五月二十又二日丁未有事祠下憲臣八撒刺
不華奉訓帥臣忽速刺沙中奉率寮案以次酌獻內盡
志外盡物威儀孔時于于如也省牲之夕暘陰間作禮
既舉萬里一天月星明穰而風馬雲車一陟一降眞若

有或臨之者不奇特而然哉先是淮寇構亂道途梗塞
使節罕通逮茲香旆之來谿蠻峒獠羅拜道側或至垂
泣日不圖今日復覩天使威儀誓死不敢從亂矣烏虜
古之所以致力於神者凡以爲民也民心之悅若是神
之意可知其降而歆我食氣也固宜然而南海王之靈
應昭晰昌黎韓愈爲孔殽述之詳矣當茲大禮告成倘
用赫厥靈異祚我皇運恢神謀彰秘筭不界遐爾俾兵
以時輯人獲其所嘉氣應而諸福至斯之謂善對揚聖
天子敬恭之美意韓碑在前必有能嗣而書之者六月
朔日臣繼志謹記與祭官憲司經歷月忽難從仕知事

王謙從仕譯史長吉歹書吏郟執道蔣仁傑奏差汪珪
廣西憲司知事高志翔從仕名汝翼江西行省宣使程

廣西憲司知事高志翔從仕

名汝翼

江西行省宣使程

忠帥府經歷察邁令史游崇德田宏方晉梁瑞曹逢原
何仁孫奏差杜思義杜從道黃誠陳仲寬楊眞惠廣州
路總管府判官王哈刺歹照磨林瑞路吏霍仲祥岑伯
仁番禺縣尹鄭敬廣州路儒學教授羅文煥學正周通
學錄尹靖訓導沈克敬教諭張本彭唯等立石記十五
行行三十四字與祭銜名七行乙未爲至正十五年分
隸整勁鐫刻精良是元碑之佳者翁閣學粵東金石略
載南海廟元碑十通所見惟此

何仁孫奏差杜思義杜從道黃誠陳仲寬楊眞惠廣州

路總管府判官王哈刺歹照磨林瑞路吏霍仲祥岑伯

仁番禺縣尹鄭敬廣州路儒學教授羅文煥學正周通

學錄尹靖訓導沈克敬教諭張本彭唯等立石記十五

行行三十四字與祭銜名七行乙未爲至正十五年分

隸整勁鐫刻精良是元碑之佳者翁閣學粵東金石略

載南海廟元碑十通所見惟此

粵東鐵塔蓋爲宋人所鑄歲久泐蝕元至正間重易之
以銅海琴游粵揚以見詒前列佛號四行其文云護持
四法緊那羅王菩薩西天唐土諸善知識護塔大權
唎菩薩千手眼觀世音菩薩後列姓氏年月二十六行
云化緣信士瞿伯王運力僧寶昇堅總堅愿堅憲元偉
廣慶義琮義意仲賢堅恂元詮寶琛寶琮寶瑞善祿化
緣信女馮妙田自命癸巳三月十二夜子時生信女龔
二姐孟一姐程妙堅運力行者可達可印以壽道清塔
主善壽何大曹二護陳伯誠趙文遠林觀俊李那海灰
拭匠人潘德卿大元至正十八年藏成歲十壹月十七

日彌佗但晨上寶珠記江西吉安師父李仁教李善卿
父呂道全各生淨界蔣王府禹四姐後又列佛號二行
云南無滿願菩薩南無常精進菩薩後又列年月人名
二十六行云熙淳癸酉女弟子黃氏念六娘捨錢鑄造
鐵蓋年深破壞今大元至正十八年戊戌歲化到十方
善男信女以銅易鐵重新鑄造天盤壽山蓋各祈善利
者提調燒灰僧信士李榮祝壽僧定明定智寶瑤明觀
堅愍庫子元宏化主明枯堅忻寶璫寶現堅恪堅□監
修堅恕掌財法璵提督堅德耆舊堅悠壽祚嗣眞堅悅
堅慧嗣堅仁堅義舒志念有貴淨廣淨亮嗣敬淨寶宏

懋法成元紀掌事寶璫寶綺傳意寶璋嗣閨頭首善福
宗方至初寶璫寶瓊元栗堅憇當代住持永吉識羊城
匠人呂從政鑄造凡五十八行三百九十七字字多訛
俗洵熙宋孝宗年號不值癸酉癸酉爲咸淳九年此作
熙淳熙蓋咸之誤也自咸淳癸酉至至正戊戌歷八十
五年矣

賀祕監祠堂碑在鄞縣篆額題賀祕監祠堂記六字旁
作麟鳳畫象至正二十年七月立文云唐祕監賀知章
字秀真世居四明小谿湖上性曠達無俗韻嗜酒善隸
草書晚年尤誕放逍遙夷猶自號四明狂客嘗擢科累

官大常博士開元閒以禮部兼集賢遷太子賓客

授秘

書監天寶初一旦棄官去若弊屣著黃冠道士服請易

居宅爲干龜觀詔許之仍賜

鏡

湖剡川一曲蓋其抱高

世絕俗之姿瀟灑出塵之表儀形丰度鸞翔鵠峙蟬蛻

污濁

之中

神遊八極泥塗軒裳浮雲富貴翩然高舉介

然遠引而不顧者也知污世之不可

爲也

故寄迹老子

以遊方之外知元宗好誕將必拂其請也故託爲夢帝

所之說以歆動其聽

不

能終遠其鄉也故又請鏡湖剡

川以居之清風高致千載而下聞斯興起宋紹興閒郡

守莫將訪其讀書故地闢逸老堂於城西隅月湖之曲

與李太白同祀蓋取白稱其爲逸老也寶慶中守胡桀

又更爲隱德堂以漢四皓黃公並祀蓋擬其同郡同德

也旣而燬廢尋屬其址爲驛傳至元更化因之弗改至

正十九年冬江浙行中書省理問官邱楠奉省命繕修

館舍得碣像於蕪磯中爬拏刮滌衣冠儼如卽驛東偏

別作祠堂三楹以專祀徹黃公李白位設椒醕奠之昭

崇敬焉於是吞吐湖光以據十洲島嶼之勝而雲煙月

露徘徊於斗牛之間者尙想先生之風可陟也彼車塵

轍迹宦途鞅掌過祠下趨館穀甯無一二竦息者乎而

邱君能表而出之其志爲可尙已徵記於余辭不獲而

爲之書至正庚

子

七月既望記前列碑題一行次列書

撰人銜名承務郎江浙等處行中書省左右司郎中劉
仁本撰奉議大夫僉浙東海右肅政廉訪司事史銓書
中奉大夫江浙等處行中書省參知政事周伯琦篆後
題鄉老胡世佐孫蒙鄭覺民迺賢楊葵立石徐中裕刻
凡二十一行行三十四字正書方界格錢潛研有目無
跋兩浙金石志載此文無一缺損今行末已泐十二字
沅跋引至正十三年以是堂并後函虛館改置水馬站
分南北二館而祠廢此邱楠奉省命繕修而仁本記之
也仁本字德元天台人爲方國珍參謀至正庚子仁本

治師餘姚作雩詠亭爲續蘭亭會有圖刻石傳世祥桉
胡桀廬陵人銓之孫宋史附其祖銓傳邱楠見明史方
國珍傳至正二十五年銅漏壺銘爲楊葵所撰阮跋云
錢塘人官至翰林學士疑卽其人碑爲鎮江太守趙粹
甫佑宸所貽粹甫鄞人余丙辰分校所得士由詞館外
擢

桂林修城碑陰記在桂林東城樓楊子春撰篆額題碑
陰記三字至正廿一年十一月立碑分四截上截記四
十行文云廣西古南越地當楚越之交秦漢爲旁郡史
祿開靈渠漕運乃通厯代更革不一隨廢始安郡爲桂

州總管府置大使唐因其舊尋改大都督府後又升爲
節鎮宋置經略安撫司國家混一寰宇建元帥府立廉
訪司以糾劾一道藩之分野則唐僧一行宋蘇文忠公
諸說以湘南爲鶉尾之次桂林當軫十一度其論迺有
所據我朝承平百年蠻夷率報城池稍以廢弛至正十
有一年監憲也兒吉尼公憲副是邦明年淮右盜起湖
廣不守賊遂入湖南衡永皆警嶺海震動公諭眾曰八
桂根本一十六州國保於民民保於城乃議建築城池
以爲設險守國之要遂捐俸於官貿易海艦積以歲月
息倍至萬經制之費皆出於此以至正十六年冬十月

甲子鳩工軍民就役者五千餘人自北而東由南而西城廣袤三千七百丈監築官吏分命督役人各賦四十丈鑿石於山督工吏士凡二百餘人計日取石皆有數工匠及軍民充夫役者日給鹽折錢一百文廩米三升凡城內外自頂至踵皆贅以大石藩米爲膏煉石爲灰擣如堦泥塗澤其中城兩廂皆砌石三重基址堅厚自下樹石櫛比而上端方周正文理緻密繚繞周迴一十餘里起於東北寶積山連風洞因山爲城增卑益高築女垣建睥睨各數十百丈東爲就日門又東爲癸水門爲行春門又正東爲東江門正南爲安遠門爲通明門

左爲掖門以達東江門又南爲小南門又西爲麗澤門爲西成門西北爲寶賢門正北爲迎恩門爲安定門爲拱辰門爲鎮嶺關城門皆建樓閣設闔闔其最大者爲逍遙樓下各爲磴道以便登陟團敵爲臺者三十九臺上建樓樓皆外向以便觀覽團敵之中又其大者建雄邊樓城門樓閣其高廣又倍之守城吏士爲周廬五十三所以庇風雨城上壘埤外向皆有箭眼內亦設女牆以防墜佚城之顛面皆砌以甃石其平如砥外築闌馬牆以護城輪奐一新雉堞相望流水縈帶羣山聳立長虹天矯煙雲相連誠一道之偉觀肇基於至正丙申之

冬竣事於庚子歲之八月凡一歲畊穫之時休暇以卹民力以實計之四季而克成厥事其勤可謂至矣城以丈計三千七百有奇城高二丈有奇城面闊三丈有奇以丈計當用之石一千餘枚爲石三百一十萬八千有奇工石之工以日數之六十三萬五千五百有奇軍民夫役之在官者以日數之一百二十四萬六千四百有奇城臺之樓以間數之一百七十五楹有奇竹木之數計百餘萬灰與米和而爲膏計米四千八百五十石有奇灰以石計三十餘萬有奇領璧之數五十萬有奇金錢之用以斤計之一十萬三千八百有奇財用之廣鹽

以引計九千九百有奇折緡錢三十九萬一千七百有奇軍民之役於官者傭工廩稍爲米三萬一千七百二十石有奇犒賞之用不在數焉其費可謂大矣是役也官吏督工役者一百七十八人工石之工一千二十七人竹木之工一百一十八人取石於山監臨官吏二十七人吏卒四十人惟百執事之駿奔兵若民之效力其勤勞之至四季于茲城築大事也不可以不書爰命備述其事勒之碑陰云至正二十一年龍集辛丑十有一月丙寅賜同進士出身將仕郎清湘縣丞蜀郡楊子春謹記下三截列築城官吏夫役姓氏有提調築城官吏

總提調一應錢糧提調東西二山取石收支鐵器收支
篋纜一應什物監督各山運石監督砌城監督軍夫平
土收支供給一應錢糧修造運石船隻收支熬漿柴薪
木植提調熬漿和灰收支石灰監督砌城排日計工提
調民夫提調軍夫監取山石公使人監砌女牆提調燒
造甑瓦監督取山收支搭蓋竹木茅草收辦鍊鐵木炭
起蓋城上樓櫓諸名目以及夫匠石匠夫役軍夫水夫
泥水匠木匠竹篋匠造船造桶匠鐵匠等名數
烏石山國書七字魏稼生鹺尹寄貽云副使側□書審
之未見署款

八瓊室元金石偶存卷終

翰怡京卿校刊陸星農先生所著八瓊室金石補正始
事於庚申之秋迄今五載剗刷甫竟以烈參與校勘之
役使繫一言於卷尾烈維著錄金石之書始自蕭梁元
帝有碑英一百二十卷惜已久佚宋歐陽氏集古錄趙
氏金石錄洪氏隸釋隸續諸書於今爲最古元明兩代
斯學少衰明趙子函石墨鐫華自序謂所收過於都穆
楊慎而視歐陽才三之一視明誠才十之一且跋語詳
於筆法略於攷證是近於論述法帖非金石之學也迨
我朝而斯學大盛作者如林其總括前人諸作且記
錄全文者首推王氏之金石萃編其自序云欲論金石

者取足於是不煩他求意甚善也特是古來金石雖日就毀佚而其淪棄空山沈埋地下經搜求而得者亦歲有增加又舊拓石墨固少缺泐亦有原石未經洗剔而後來精拓轉勝於前者況萃編一書成自眾手記載漏略迢寫舛誤在所不免拾遺補闕責在後人於是瞿木夫有古泉山館金石文編吳荷屋有筠清館金石記嚴鐵橋有平津館金石萃編陸劭聞有金石續編大都沿王氏之例補其闕遺然瞿吳嚴三家之書均未刊行陸氏續編刊行矣而係未竟之書缺略甚多獨先生是書積畢生之精力一再增改於王氏萃編缺者補之誤者

正之於瞿吳二氏及其他萃編未錄之金石著作皆廣
爲搜採詳加著錄惟嚴氏之書未寓目耳然則先生是
書非特有功於王氏及後之治金石者其於書成未刊
之瞿吳二家尤有功也不朽盛業洵堪與王氏後先媲
美矣顧先生成是書當光緒之初厯卅餘年始克殺青
苟非先生後裔善存手澤與翰怡流播古籍之功其不
等於瞿吳嚴氏之著作者幾希列因念先樞部公素耽
此學官京曹時搜集石墨至數千種於隋之石柱頌唐
之劉仁願碑以及和林遼金諸刻凡數十種皆曾手錄
全文冀成一書而小子不學未能賡續先緒僅錄諸題

跋刊成寫禮履讀碑記一卷楹書束閣負疚良深今讀
是書益增不肖之慙慙者矣乙丑六月二日長洲王季
烈跋